



**JAVNI POZIV ZA PODRŠKU PRAVNIM LICIMA / PRIPRAVNICIMA –
SEI PROGRAM
„JEDNAKA ŠANSA“**



Projekat “Socio-ekonomska inkluzija u Brčko distriktu BiH” (SEI) finansira Vlada Republike Češke, a implementiraju CARE International Balkans i Razvojno-garantni fond Brčko distrikta BiH (RGFBD).



O SEI Projektu:

Projekat Socio-ekonomska inkluzivna inicijativa (SEI) ima za cilj da odgovori na izazove koji su vezani za povoljnije okruženja za socio-ekonomsko uključivanje marginalizovanih grupa¹, i to kroz stvaranje mogućnosti za zapošljavanje, preduzetništvo za nezaposlene i povećanjem nivoa vještina koje odgovaraju postojećim mogućnostima zapošljavanja. CARE i partneri će blisko saradivati sa institucionalnim zainteresovanim stranama i nevladinim akterima na predlaganju i implementaciji mjera koje će se baviti pitanjima i preprekama za socio-ekonomsku inkluziju, kroz uspostavljanje Centra za socio-ekonomsku inkluziju. Cilj je stvoriti nova radna mjesta uz povezivanje svih aktera u lancu vrijednosti kroz savjetodavne i finansijsku podršku startup-ima početnicima, postojećim preduzećima i nezaposlenim marginaliziranim osobama.

Inicijalna procjena o socio-ekonomskoj situaciji u Brčko distriktu je prikupljena analizom dostupne dokumentacije i izvještaja međunarodnih međuvladinih agencija, domaćih institucija i statističkih agencija, te intervju sa partnerima i organizacijama koje predstavljaju ili rade sa marginalizovanim grupama u Brčko distriktu. Prema inicijalnim procjenama, marginalizovane grupe stanovništva i pojedinci koji se suočavaju sa ranjivostima zbog svog pola, rase, seksualne orijentacije, fizičkih sposobnosti i socijalnog statusa su u većoj opasnosti da zapadnu u siromaštvo zbog predrasuda i društvenih normi u društvu, kao i nedostatka senzibiliteta i fizičkog, administrativnog i socijalnog statusa. Naprimjer, Romi, se susreću sa brojnim izazovima za socijalno uključivanje. Prema podacima romskih nevladinih organizacija, otprilike 1,35% romske populacije je zaposleno. Druga grupa stanovništva koja se suočava ne samo sa društvenim izazovima, već i sa fizičkim preprekama kada je u pitanju njihova socijalna uključenost i zapošljavanje su osobe sa invaliditetom (OSI) koji su također ciljna grupa projekta. Nadalje, žene, posebno one koje dolaze iz marginalizovanih grupa, su u nepovoljnom položaju u pogledu zapošljavanja i zadnje informacije govore da je preko 60% nezaposlenih žene. Projekat će posebnu pažnju posvetiti i mladima zbog sve većeg trenda emigracije.

Osnovni postavljeni rezultati projekta su:

- Rezultat 1 – Ugrožene i ranjive populacije Brčko distrikta su povećale svoje kapacitete za zapošljavanje i poznavanje prava, kroz obuke sprovedene kroz projekat i podizanje svijesti
- Rezultat 2 – Povećanje kapaciteta, vještina i mogućnosti zapošljavanja za nezaposlene građane i otvaranje novih radnih mjesta za ugrožene i ugrožene grupe, kroz projektnu finansijsku i tehničku podršku

¹ S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva i to: žene, mladi, osobe za poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe.



Osnovne usluge novoformiranog Centra za socio-ekonomsku inkluziju (nadalje: SEI Centar) su:

- **Psiho-socijalna podrška**

Pružanje podrške kroz individualni i grupni rad sa korisnicima, odnosno ciljnim grupama projekta što olakšava pristup uslugama, kako SEI Centra, tako i drugih institucionalnih oblika podrške ugroženim građanima i građankama Brčko distrikta BiH.

- **Poslovni inkubator**

Poslovni inkubator je dio preduzetničke infrastrukture koji se nalazi u SEI Centru i omogućava poslovanje minimalno 10 fizičkih ili pravnih lica, a koji će biti dodatno podržan kroz rad SEI Centra.

- **Podrška za zapošljavanje i samozapošljavanje**

Pružanje podrške kroz obuke, grantove, savjetovanje i tehničku pomoć olakšava socijalno ugroženim osobama da započnu ili prošire svoje poslovanje, što doprinosi njihovoj ekonomskoj stabilnosti i inkluziji.

- **Obrazovanje i stručno usavršavanje**

SEI Centar će pružati obrazovne programe i stručne obuke koje povećavaju kapacitete i vještine socijalno ugroženih osoba, što im omogućava lakši pristup zapošljavanju ili samozapošljavanju.

- **Informisanje i osvještavanje**

SEI Centar će provoditi kampanje informisanja i osvještavanja o dostupnim uslugama i podršci socijalno ugroženim osobama da bolje iskoriste resurse koji su im na raspolaganju.

- **Inkluzivnost i pristupačnost**

Uklanjanje arhitektonskih barijera i prilagođavanje javnih prostora omogućava osobama s invaliditetom jednak pristup obrazovanju, zdravstvenim uslugama i zapošljavanju.

**Imajući prethodno u vidu, SEI Projekat / Centar otvaraju Javni poziv za podršku
zapošljavanju pripravnika**



Zašto ovakav Program?

Podrška zapošljavanju pripravnika je namijenjen omogućavanju osobama bez radnog iskustva da steknu svoje prvo radno iskustvo i unaprijede svoje šanse za zapošljavanje. Podrška pripravnicima će biti sprovedena u saradnji sa pravnim licima koja ispunjavaju specifične uslove navedene u Javnom pozivu.

Cilj Javnog poziva

Osnovni cilj ovog Javnog poziva je zapošljavanje pripravnika/ica i pružanje mogućnosti zapošljavanja i osposobljavanja minimalno 6 mladih osoba bez radnog staža/radnog iskustva za samostalan rad u struci sa evidencije nezaposlenih lica Zavoda za zapošljavanje Brčko distrikta BiH, posebno onih koji pripadaju marginaliziranim i ranjivim skupinama stanovništva.

Od ovog broja, minimalno 2 osobe će biti angažirane u organizacijama civilnog društva.

S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva i to: žene, mladi, osobe za poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe.

Definicije u smislu ovog Javnog poziva su:

Pripravnik: U skladu sa Zakonom o radu Brčko distrikta BiH, pripravnik je lice sa završenom srednjom ili višom školom, odnosno fakultetom koje prvi put zasniva radni odnos u tom zanimanju, a koje je prema zakonu obavezno položiti stručni ispit ili mu je za samostalan rad u zanimanju potrebno radno iskustvo. Lice koje je radilo kraće od vremena utvrđenog za pripravnički staž u stepenu stručne spreme koju posjeduje i koja je uslov za rad na tim poslovima je također prihvatljivo.

Pripravnički program: Strukturirani program obuke koji se sprovodi tokom trajanja pripravničkog staža koji kreira poslodavac prilikom apliciranja na program angažovanja pripravnika a u skladu sa Zakonom o radu Brčko distrikta BiH.

Finansijska sredstva

Ovim javnim pozivom je planirano finansiranje/sufinansiranje pripravničkog staža u pojedinačnom iznosu od maksimalno 700,00 € mjesečno po pripravniku u periodu od 6-12 mjeseci (u protuvrijednosti u KM na dan prenosa sredstava).

Poslodavac je dužan, lice čije se zapošljavanje finansira, zadržati u radnom odnosu od 6 do 12 mjeseci. Troškove plate (u bruto iznosu) snosi poslodavac, a maksimalan iznos od 700,00 € se isplaćuje poslodavcu od strane SEI projekta u mjesečnim iznosima po Programu iz budžeta SEI projekta, što dokazuje potpisanim i ovjerenim platnim listama za plate pripravnika čije se zapošljavanje finansira, uz obavezu da izvrše uplate doprinosa i neto plata na ime zaposlenih lica i za isto dostave izvod iz banke.

Korisnici javnog poziva

Opšti eliminatorni uslovi za pravna lica koja se prijavljuju na javni poziv:

1. da je registrovan za obavljanje djelatnosti u Brčko distriktu BiH ili registrovan u skladu sa Zakonom o udruženjima i fondacijama Brčko distrikta BiH,
2. da redovno izmiruje obaveze po osnovu direktnih poreza i doprinosa za PIO/MIO, doprinose za slučaj nezaposlenosti i zdravstveno osiguranje,
3. da nije sankcionisan zbog rada na crno u prethodnih dvanaest mjeseci, zaključno sa danom objavljivanja Javnog poziva,
4. da za iste predložene osobe nije dobio finansijsku podršku od strane države, entiteta ili Brčko distrikta BiH,
5. da nije registrovan u skladu sa Zakonom o mjesnim zajednicama u Brčko distriktu BiH;
6. da djelatnost subjekta upisa aplikanta nije registrovana za proizvodnju ili trgovinu alkohola, duvana ili igara na sreću.

Opšti eliminatorni uslovi za pripravnike:

1. imaju prijavljeno prebivalište u Brčko distriktu BiH najkasnije od momenta prije raspisivanja ovog Javnog poziva,
2. se nalaze na evidenciji nezaposlenih lica Zavoda za zapošljavanje Brčko distrikta BiH;
3. nemaju radnog staža/radnog iskustva u stepenu stručne spreme za koji se prijavljuje po ovom javnom pozivu, što se dokazuje izjavom osobe.

Neispunjavanje bilo kojeg od gore navedenih eliminatornih kriterija će rezultirati odbacivanjem prijave na Javni poziv.

Kriteriji za bodovanje

Odabir aplikanata po ovom Javnom pozivu vršit će se u skladu sa sljedećim kriterijima i njihovom vrijednošću, koristeći sljedeću tablicu:

Utjecaj na marginalizirane grupe stanovništva	Predloženi pripravnik je	Predloženi pripravnik je	Predloženi pripravnik je	Predloženi pripravnik je	Predloženi pripravnik je žena
	a) žena, b) mlada osoba, c) osoba sa poteškoćama u razvoju / osoba sa invaliditetom, d) pripadnici nacionalnih manjina (posebno Romske populacije)	a) žena, b) mlada osoba, c) osoba sa poteškoćama u razvoju / osoba sa invaliditetom, d) pripadnici nacionalnih manjina (posebno	a) žena, b) mlada osoba, c) osoba sa poteškoćama u razvoju / osoba sa invaliditetom	a) žena, b) mlada osoba,	

	e) dugoročno nezaposlene osobe)	Romske populacije)			
	10 bodova	8 bodova	6 bodova	4 boda	2 boda
Vrijeme provedeno na evidenciji Zavoda za zapošljavanje Brčko distrikta BiH	5+ godina	Između 4-5 godina	Između 2 – 4 godine	Od 12 do 24 mjeseca	Do 12 mjeseci
	10 bodova	8 bodova	6 bodova	4 boda	2 boda
Broj zaposlenih lica	Preko 100 zaposlenih	Od 80-100 zaposlenih	Od 50-80 zaposlenih	Od 10-50	Do 10 zaposlenih
	10 bodova	8 bodova	6 bodova	4 boda	2 boda

**Komisija će odvojeno bodovati aplikacije koje dolaze iz pravnih lica/preduzeća I organizacija civilnog društva, kako bi osigurali jednak tretman prilikom ocjenjivanja.*

Maksimalni broj bodova koje aplikant, pravno lice, može osvojiti iznosi 150 bodova, odnosno, maksimalno 30 bodova po jednom članu Komisije.

Način odabira i dodjele sredstava

CARE zajedno sa projektnim partnerom RGFBD će imenovati Komisiju za odabir poslodavaca, koju čine 5 članova. Nakon zatvaranja Javnog poziva Komisija, u skladu sa gore navedenim i objavljenim kriterijumima pristupa provjeri dostavljene dokumentacije i rangiranju aplikacija.

Nepotpuni, neblagovremeni i zahtjevi podneseni od neovlaštenog lica, neće biti uzeti u razmatranje.

Komisija za odabir sačinjava rang listu aplikanata koji su aplicirali, prema broju ostvarenih bodova uz napomenu da, ukoliko više rangiranih aplikanata ima isti broj bodova, prioritet se daje onom licu koje je prije podnijelo prijavu.

Nakon objavljivanja rang liste, odabrani aplikanti su dužni dostaviti, u roku od sedam dana od dana objavljivanja rang liste, neophodnu dokumentaciju navedenu u prijavi a koja dokazuje navedene činjenice, nakon čega se sa istima zaključuje ugovor o angažovanju pripravnika.

Ukoliko odabrani aplikanti sa rang liste ne dostave traženu dokumentaciju, dostave nepotpunu dokumentaciju ili dokumentaciju koja ne odgovara izjavama u Prijavi na ovaj Javni poziv, te ukoliko odabrani aplikant odustane od podnesenog zahtjeva ili traženog lica iz bilo kojeg razloga, sredstva će biti dodijeljena sljedeće rangiranim aplikantima, saglasno redoslijedu na rang listi.

Nakon potpisivanja ugovora, ugovoreni iznos će biti isplaćivan korisniku sredstava mjesečno, u jednakim ratama, u roku od 5 dana nakon dostavljanja:

(a) potpisane i ovjerene platne liste za plate lica čije se zapošljavanje finansira (uz obavezu da za svako pojedinačno lice koje se finansira, na ime, izvrši uplata obaveza, što dokazuje



potpisanim i ovjerenim platnim listama za plate lica čije se zapošljavanje finansira, uz obavezu da izvrše uplate doprinosa i neto plata na ime zaposlenih lica i za isto dostave izvod iz banke);

- (b) izvod/e iz banke iz kojeg je vidljivo da su uplaćene neto plate i obaveze po osnovu plata za zaposlenog pripravnika, u slučaju zbirne uplate neto plata dostaviti spisak sa naznačenim iznosom neto plate zaposlenog pripravnika ovjeren od strane banke, sa pripadajućim izvodom;
- (c) Mjesečni izvještaj o isplaćenim platama;
- (d) Pregled prisustva/odsustva na/sa poslu/a lica finansiranih javnim pozivom.

Kontrola utroška sredstava

Kontinuiranu kontrolu i praćenje izvršavanja ugovornih obaveza vrši imenovani predstavnik SEI Centra, odnosno predstavnik RGFBD.

Ukoliko se utvrdi da ugovorna strana ne ispunjava ugovorene obaveze, pokreće se postupak raskida ugovora.

U slučaju raskida ugovora o radu sa finansiranim licem, ugovorna strana je dužna odmah o tome obavijestiti imenovanog predstavnika SEI Centra, odnosno predstavnika RGFBD.

Potrebna dokumentacija koja se dostavlja na Javni poziv

Do isteka ovog Javnog poziva, poslodavci su dužni dostaviti:

1. Uredno popunjenu i ovjerena prijava na Javni poziv – [Aneks dole](#);
2. Rješenje o osnivanju pravnog lica ili preduzetnika ili OCD – kopija ili skenirana kopija;
3. Za nezaposlena lica sa evidencije Zavoda za koja se aplicira, priložiti uvjerenje/a nadležnih organa, odnosno, Fonda za penzijsko i invalidsko osiguranje Republike Srpske - Fond PIO RS i Federalni Zavod za mirovinsko/penzijsko i invalidsko osiguranje - FZ MIO/PIO, izdato u periodu od momenta objave, do najkasnije, dana zatvaranja Javnog poziva, a koje poslodavac dostavlja da osoba/osobe nema radnog staža u struci – kopija ili skenirana kopija.

Potrebna dokumentacija koju dostavljaju odabrani aplikanti:

Aplikanti čije aplikacije budu podržane, dužni su, u ostavljenom roku dostaviti sljedeću dokumentaciju:

1. obavještenje o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
2. kopiju kartona deponovanog/ih potpis/a ovlaštene/ih lica u poslovnoj banci na koju će sredstva biti uplaćivana;
3. uvjerenje/a o izmirenim obavezama sa stanjem mjeseca koji prethodi mjesecu objave Javnog poziva po osnovu direktnih poreza i doprinosa za PIO/MIO, za slučaj nezapostenosti i zdravstveno osiguranje, original ili ovjerenu kopiju;
4. potpisanu i ovjerenu izjavu, od strane preduzeća, o obavezi prijave pripravnika na Fond za penzijsko i invalidsko osiguranje Republike Srpske - Fond PIO RS ili Federalni



Zavod za mirovinsko/penzijsko i invalidsko osiguranje - FZ MIO/PIO, ili su obaveze nastale i kod PIO RS i MIO/PIO Federacije BiH (potpisana Izjava);²

5. dokaze o pripadnosti pripravnika jednoj ili više kategorija koje su opisane u Prijavi kao marginalizirane skupine stanovništva ako se prijava odnosi na pripravnike koji pripadaju kategorijama osoba poteškoćama u razvoju / osoba sa invaliditetom, pripadnici nacionalnih manjina (posebno Romske populacije) ili dugoročno nezaposlene osobe;³

6. Potpisanu i ovjerenu izjavu od strane svakog od pripravnika ili jednog pripravnika, da će se pridržavati cijelog pripravnčkog programa koji će biti dostavljen kao prilog Izjave.⁴

Podnošenje prijava

Za apliciranje na Javni poziv je potrebno popuniti i dostaviti obrazac za prijavu na Javni poziv (Aneks Javnog poziva) te isti (sa kopijama dokumenata kojim se žele dokazati neki od navoda iz Prijave – nije eliminatorno):

- 1) dostaviti lično u prostorije SEI Centra na adresi M.Malića i I. Džindića br.4 u vremenu od 7.30 – 15.30 h.
ili
- 2) poslati poštom na adresu:

SEI Centar

M.Malića i I. Džindića br.4

76100 Brčko

Sa naznakom Ne otvarati: Prijava na javni poziv za finansijsku podršku

- ili
- 3) Poslati emailom popunjeno i potpisano putem email adrese info@seibrcko.ba

**Prijave moraju biti dostavljene najkasnije do
28. septembra 2024. godine do 15.30 h.**

Prijave podnesene nakon isteka roka neće biti uzete u razmatranje.

Ukoliko postoje bilo koje nejasnoće, Vaše upite možete poslati najkasnije pet dana do zatvaranja ovog Javnog poziva putem e-mail adrese info@seibrcko.ba. Odgovori na sva pitanja će biti javno obavljani na web stranici <https://seibrcko.ba/> najkasnije tri dana do zatvaranja ovog Javnog poziva.

² Format izjave će naknadno biti dostavljen odabranim aplikantima.

³ Lista prihvatljivih dokaza će naknadno biti dostavljena odabranim aplikantima.

⁴ Format izjave će naknadno biti dostavljen odabranim aplikantima te izgleda formata Pripravnčkog programa.